


HLB@SCHOOL

classroom
adventures...
EXPLORE • ENGAGE • EMPOWER

JUN 2024
EDISI 4



KE ARAH TANPA TUNAI: APAKAH ITU WANG DIGITAL?



Wang digital menjadi semakin popular pada masa kini. Ia membantu kita untuk membuat pembayaran tanpa tunai. Mari belajar dengan lebih mendalam tentang wang digital dan bagaimana ia dapat memudahkan kehidupan harian kita!

TRANSAKSI TANPA TUNAI

Transaksi tanpa tunai membenarkan anda untuk membuat pembayaran menggunakan telefon pintar, komputer riba atau kad. Anda boleh menggunakan alat digital untuk membuat pembayaran di kedai daripada menggunakan wang kertas atau syiling.

JENIS-JENIS WANG DIGITAL

E-WALLET

E-wallet merupakan dompet digital yang terdapat pada telefon bimbit anda. Ia menyimpan wang dan anda boleh menggunakannya untuk membuat pembayaran secara atas talian mahupun di kedai-kedai. Aplikasi seperti GrabPay, Touch 'n Go e-wallet, dan Boost merupakan contoh-contoh bagi e-wallet. Bayangkan anda membeli makanan ringan di kedai kegemaran anda melalui satu klik sahaja pada telefon bimbit!

KAD KREDIT DAN DEBIT

Kad kredit dan debit juga merupakan wang digital. Ianya dihubungkan kepada akaun bank anda dan boleh digunakan untuk membuat pembayaran secara bersemuka atau atas talian. Ianya seperti memiliki bank di dalam poket!

PEMBAYARAN QUICK RESPONSE (QR)

Kod QR merupakan sejenis kod bar dalam bentuk grid empat segi yang menyimpan maklumat. Untuk membuat pembayaran, pengguna boleh mengimbas kod QR untuk membuat bayaran secara langsung ke e-wallet atau akaun bank mereka. Bayangkan anda berada di kedai aiskrim, daripada memberikan wang tunai, anda sebaliknya mengimbas kod QR untuk membuat pembayaran.

PERBANKAN ATAS TALIAN

Perbankan atas talian membenarkan anda untuk mengurus kewangan anda melalui internet. Anda boleh menyemak baki, membayar bil, dan memindahkan wang antara satu akaun ke akaun yang lain tanpa perlu ke bank.

PEMBAYARAN TANPA SENTUH

Pembayaran tanpa sentuh merupakan satu kaedah pembayaran yang cepat dan mudah. Anda cuma perlu menyentuh kad atau telefon bimbit anda pada sebuah mesin untuk selesai pembayaran. Ianya lebih cepat daripada menggunakan wang tunai dan mengelakkan anda menyentuh mana-mana permukaan. Bayangkan anda membeli alat permainan di kedai dan anda cuma sentuhkan kad untuk membuat pembayaran - mudah dan cepat!

TEMPAT-TEMPAT ANDA BOLEH MENGGUNAKAN WANG DIGITAL

Panggung Wayang: Anda berada di panggung wayang bersama rakan-rakan anda. Daripada menggunakan wang tunai untuk membeli tiket, anda sebaliknya menggunakan kad debit untuk membuat pembayaran di kaunter. Tidak perlu mengira baki!

Membeli-belah Atas Talian: Bayangkan anda menemui permainan baru di atas talian. Anda menggunakan e-wallet milik ibu anda untuk membuat pembayaran. Permainan tersebut dihantar ke rumah anda tanpa berlakunya penyerahan wang tunai secara fizikal.

Membeli Makanan: Semasa di sekolah, anda membeli makanan tengahari menggunakan kod QR. Anda mengimbas kod di kafeteria, dan wang ditolak terus dari akaun anda. Cepat dan mudah!



WANG DIGITAL SELAMAT DIGUNAKAN SEKIRANYA ANDA MENGIKUTI PERATURAN-PERATURAN YANG MUDAH INI.

- PASTIKAN ANDA MENGGUNAKAN LAMAN WEB ATAU APLIKASI YANG SELAMAT DAN BOLEH DIPERCAYAI SEMASA MEMBUAT PEMBAYARAN SECARA ATAS TALIAN.
- PASTIKAN ANDA MENJAGA KATA KUNCI ANDA DENGAN SULIT DAN TUKAR KATA KUNCI ANDA SECARA KERAP.
- JIKA ANDA KEHILANGAN KAD ATAU TELEFON, LAPORKAN KEPADA BANK SECEPAT MUNGKIN.

Wang digital telah mengubah cara kita membuat pembayaran. Ianya mudah, cepat dan dapat membantu kita menguruskan kewangan dengan lebih baik. Kita tidak perlu lagi membawa syiling yang berat, mahupun risau akan kehilangan wang tunai. Dengan wang digital, anda boleh jejak perbelanjaan dengan mudah dan membuat pembayaran dengan cepat.

JADI, JIKA ANDA KELUAR MEMBELI-BELAH ATAU MEMBUAT PEMBAYARAN PADA MASA AKAN DATANG, PERTIMBANGKAN UNTUK MENGGUNAKAN WANG DIGITAL. IA MERUPAKAN MASA HADAPAN DALAM PEMBAYARAN DAN IA WUJUD UNTUK MEMBUATKAN KEHIDUPAN KITA LEBIH MUDAH DAN MENYERONOKKAN!